

Headline	Gejala di Miri kes terpencil	Language	MALAY
Date	15. Jun 2009	Page No	7
Media Title	Berita Harian	Article Size	87 cm2
Section	Nasional	Frequency	Daily
Circulation	192917	Color	Black/White
Readership	1521000	AdValue	1197.41



Gejala di Miri kes terpencil

KUCHING: Masalah jerebu yang berlaku di bahagian Miri, utara Sarawak sejak dua hari lalu dianggap kes terpencil, ekoran kegiatan pembakaran terbuka oleh pekebun kecil tempatan.

Menteri Alam Sekitar dan Kesihatan Awam, Datuk Sri Wong Soon Koh, berkata jerebu terjadi berikutan kegiatan pembakaran terbuka di kawasan paya gambut oleh pekebun kecil yang memberihkan kebun mereka untuk penanaman semula.

Beliau berkata, cuaca panas sejak beberapa minggu lalu menyebabkan asap daripada kebakaran tanah gambut itu tidak dapat dipadam sepenuhnya sehingga Bahagian Miri berjerebu.

"Apapun sehingga kini saya belum menerima sebarang laporan terperinci mengenainya.

"Lembaga Sumber Asli dan Alam Sekitar (NREB) sudah diarah memantau keadaan itu dengan ketat dengan memadamnya segera," katanya kepada pemberita sele-

pas merasmikan Hari Memperingati AIDS Sedunia 2009 di Pusat Penerangan Islam (IIC) di sini, semalam.

Beliau berkata, sejak keadaan cuaca panas sekarang, Jabatan Bomba dan Penyelamat Miri sudah diletak dalam keadaan berjaga-jaga agar kebakaran hutan yang berlaku dekat bandar raya itu kira-kira dua minggu lalu tidak berulang.

Wong juga menasihatkan orang ramai di negeri ini agar mengurangkan kegiatan luar rumah.